



Broj: 02/06-04-020873-5/24

Datum: 11.10.2024. godine

Na osnovu člana 70. stav (1) Zakona o javnim nabavkama BiH („Sl. glasnik BiH“, broj 39/14, 59/22 i 50/24), sekretar Ureda za zajedničke poslove kantonalnih organa, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku iz Zapisnika broj: 02/06-04-020873-4/24 od 07.10.2024. godine u postupku centralizovane javne nabavke, nabavka usluga kolektivnog osiguranja uposlenika, te se kao najpovoljniji ponuđač bira „Sarajevo osiguranje“ d.d. Sarajevo, ponuda broj: 01-8314/24 od 09.10.2024. godine po ponuđenoj cijeni, u iznosu od **504.377,76 KM** nakon održane e-aukcije.

Član 2.

Ukoliko se ispune svi uslovi propisani Zakonom o javnim nabavkama BiH, okvirni sporazum će se dostaviti na potpis izabranom ponuđaču po proteku roka od 15 dana, računajući od dana od kada svi ponuđači budu obaviješteni o izboru.

Član 3.

Okvirni sporazum se zaključuje na period od 24 mjeseca.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-020873/24 od 22.08.2024. godine, a javna nabavka je provedena putem otvorenog postupka, gdje je izbor ponuđača izvršen na osnovu kriterija najniža cijena. Procijenjena vrijednost javne nabavke iznosila je 571.330,56 KM, a Obavještenje o nabavci broj: 1116-1-2-27-3-52/24 objavljeno je na Portalu javnih nabavki 23.08.2024. godine. Komisija za centralizovane nabavke imenovana Rješenjem broj: 02/06-30-21515/24 od 01.07.2024. godine izvršila je otvaranje ponuda dana 07.10.2024. godine. Nakon izvršenog vrednovanja, Komisija je ugovornom organu dostavila Zapisnik o ocjeni ponuda sa preporukom i izvještajem broj: 02/06-04-020873-4/24 od 07.10.2024. godine iz kojeg je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno da je pristiglo ukupno 5 (pet) blagovremenih ponuda. Prilikom čitanja podataka koji se unose u zapisnik o otvaranju ponuda, u predmetnom postupku jedinična cijena po jednom uposleniku za 1 mjesec i ukupna cijena premije osiguranja za sve uposlenike za 24 mjeseca, konstatovano je da ponuđač „Euroherc osiguranje“ d.d Podružnica Tuzla, u obrascu za cijenu ponude nije unio cijenu po jednom uposleniku za jedan mjesec u polje predviđeno za unos, ali je tu cijenu (2,55 KM) u istom obrascu unio u polje za izračun ukupne cijene premije

osiguranja za 24 mjeseca. Nepopunjavanje jedinične cijene na mjestu predviđenom za unos cijene po 1 (jednom) uposleniku za 1 (jedan) mjesec, Komisija je konstatovala kao manji propust koji nije uticao na valjanost ponude.

Obzirom da je održavanje e-aukcije bilo predviđeno tenderskom dokumentacijom, Komisija je zakazala da se e-aukcija održi 09.10.2024. godine u 14:20 sati.

Nakon okončane e-aukcije, na portalu javnih nabavki www.ejn.gov.ba kreiran je Izvještaj o toku i završetku e-aukcije dana 10.10.2024. godine. U Izvještaju je kreirana konačna rang lista ponuđača koji su učestvovali na e-aukciji, prema kriteriju najniže ponuđene cijene:

	Naziv / ime ponuđača	Početna cijena cijena iz ponude prije e-aukcije	Konačna cijena nakon e-aukcije
1.	SARAJEVO osiguranje DD Sarajevo	569.098,80	504.377,76
2.	TRIGLAV osiguranje DD Podružnica Tuzla	569.098,80	505.496,00
3.	ASA Central osiguranje DD Sarajevo	566.867,04	566.867,04
4.	UNIQA osiguranje DD Sarajevo	569.098,80	569.098,80
	EUROHERC osiguranje DD Podružnica Tuzla	569.098,80	569.098,80

*Napomena: četvrtu i petu poziciju dijele dva posljednja ponuđača u tabeli, jer imaju istu ponuđenu cijenu

Komisija je ugovornom organu dala preporuku u Zapisniku o ocjeni ponuda da se kao najpovoljniji ponuđač izabere „Sarajevo osiguranje“ d.d. Sarajevo sa ponuđenom cijenom u iznosu od 504.377,76 KM nakon održane e-aukcije.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za centralizovane nabavke. Naime, u postupku je ustanovljeno da je preporuka za izbor najpovoljnijeg ponuđača izvršena u skladu sa Zakonom o javnim nabavkama, podzakonskim aktima, internim aktima i tenderskom dokumentacijom te je shodno tome odlučeno kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba URŽ-u putem ugovornog organa, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



SEKRETAR

Zdenka Marijanović, dipl. pravnik

Dostaviti:

- SARAJEVO osiguranje DD Sarajevo,
- TRIGLAV osiguranje DD Podružnica Tuzla,
- ASA Central osiguranje DD Sarajevo,
- UNIQA osiguranje DD Sarajevo,
- EUROHERC osiguranje DD Podružnica Tuzla i
- a/a